

Prentisiaethau

Cael y budd gorau
o'ch prentisiaeth fel
gweithiwr newydd neu
weithiwr presennol

Ysbrydoledig.
Inspirational.

Cynhwysol.
Inclusive.


Dylanwadol.
Influential.

Beth yw Prentisiaeth?

Mae prentisiaethau’n gyfuniad o ddatblygu sgiliau wrth wneud y gwaith a dysgu i ffwrdd o’r gwaith er mwyn rhoi i weithwyr newydd a gweithwyr presennol y sgiliau ymarferol a’r cymwysterau i helpu i ddiwallu anghenion busnes nawr ac yn y dyfodol.

Mae prentisiaid yn rhan o’ch gweithlu. Maent yn ennill cyflog ac yn gweithio ochr yn ochr â’r aelodau staff eraill er mwyn datblygu sgiliau gwerthfawr, penodol i’r diwydiant ac i’ch busnes chi. Maent hefyd yn cael hyfforddiant allanol gan CAVC a fydd yn arwain at gymhwyster sy’n cael ei gydnabod yn genedlaethol.

Beth bynnag fo’r diwydiant neu’r llwybr dan sylw, mae tair elfen graidd i’r brentisiaeth:



Cymhwyster Galwedigaethol Cenedlaethol (NVQ) – Dyma’r elfen o’r brentisiaeth sy’n seiliedig ar gymhwysedd. Bydd yn cael ei deilwra i gyd-fynd ag anghenion y busnes drwy ddewis modiwlau priodol.

Cymhwyster seiliedig ar wybodaeth (Cymhwyster Galwedigaethol/Tystysgrif Dechnegol) – Arholiad, ar-lein fel arfer, yw hwn. Mae’n profi eich gwybodaeth o’ch pwnc penodol chi.

Sgiliau Hanfodol Cymru – Cymhwyster ychwanegol, annibynnol i gyfoethogi sgiliau trosglwyddadwy yn ymwneud â chyfathrebu, cymhwyso rhif a TGCh.

Sut mae’r Llwybr Prentisiaeth yn cymharu â llwybrau addysg eraill?

Llwybr Prentisiaeth	Lefel Fframwaith Cymwysterau Cenedlaethol	Llwybr Addysg Gyffredinol	Llwybr Hyfforddiant Galwedigaethol
Prentisiaeth Sylfaen	Lefel 2	Graddau TGAU A – C	TGAU Galwedigaethol
Prentisiaeth Fodern	Lefel 3	Safon Uwch	VCE (Safon Uwch Galwedigaethol) neu VRQ (Cymhwyster Galwedigaethol)
Prentisiaeth Uwch	Lefel 4+	Gradd Sylfaen	VRQ/BTEC



“Mae ActiveQuote wedi bod yn gweithio mewn partneriaeth â Choleg Caerdydd a’r Fro dros y 12 mis diwethaf ar y Rhaglen Brentisiaethau. Roedd yn hynod effeithiol ac mae ein cyn-brentisiaid yn mwynhau eu rolau newydd yn y cwmni.”

Clare Allen, Pennaeth Gweithrediadau ActiveQuote

Eich Prentisiaeth

Gweithwyr Newydd

Fel gweithiwr newydd, gall ymuno â sefydliad newydd fod yn brofiad digon anodd, ond wrth wneud prentisiaeth byddwch yn cael cefnogaeth drwy gydol eich taith dysgu a gweithio, ac yn cael amrywiaeth eang o fuddion:


- Ennill cyflog wrth hyfforddi
- Gwyliau â thal
- Dysgu sgiliau penodol i'ch swydd a'ch gyrfa
- Dechrau ar eich gyrfa heb oedi
- Digonedd o gefnogaeth gan eich cyflogwr a'ch aseswyr
- Ennill cymhwyster sy'n cael ei gydnabod yn genedlaethol
- Elwa o gael hyfforddiant gan arbenigwyr

Gweithwyr Presennol

Mae prentisiaethau ar gael i weithwyr presennol hefyd, ac maent yn ffordd wych o wella'r sgiliau sydd gennych eisoes neu ddatblygu sgiliau newydd. Mae'r buddion ychwanegol yn cynnwys:

- Ennill cymhwyster sy'n cael ei gydnabod yn genedlaethol
- Gwella cynhyrchiant
- Gweld pethau o safbwynt newydd
- Datblygu eich rhwydwaith
- Gwella eich hyder
- Elwa o gael hyfforddiant gan arbenigwyr
- Digonedd o gefnogaeth gan eich cyflogwr a'ch aseswyr
- Datblygu sgiliau newydd a sgiliau sydd gennych eisoes

Fframwaith y Brentisiaeth



Gweithio gyda'n Gilydd



Eich rôl chi fel gweithiwr

- Glynu wrth delerau eich contract cyflogaeth
- Mynychu pob gweithdy/gwers theori
- Mynychu'r coleg neu eich canolfan hyfforddiant os oes angen
- Ymddwyn yn broffesiynol a pharchu eraill
- Cymryd rhan mewn adolygiadau cynnydd bob 8 wythnos gyda'r cydlynnydd hyfforddiant neu asesydd
- Neilltuo amser i gwblhau gweithgareddau a thasgau ar gyfer eich cymhwyster y tu allan i oriau gwaith, i gadw ar y trywydd iawn.



Beth y gallwch ei ddisgwyl gan eich cyflogwr

- Contract cyflogaeth ac o leiaf yr Isafswm Cyflog Cenedlaethol ar gyfer Prentisiaid
- Yr un amodau gwaith â gweithwyr eraill
- Mentor i gefnogi eich datblygiad
- Amser i ddatblygu eich gwybodaeth a'ch sgiliau
- Cyfle i gasglu tystiolaeth o'ch profiad
- Amser i gwblhau gweithgareddau seiliedig ar waith a/neu fynychu'r coleg
- Amrywiaeth eang o brofiad gwaith penodol a gweithgareddau ymarferol
- Ei fod yn cymryd rhan yn eich adolygiadau cynnydd bob 8 wythnos gyda'r cydlynnydd hyfforddiant neu asesydd.



Sut y bydd CAVC yn cefnogi eich prentisiaeth

- Darparu cefnogaeth drwy gydol eich prentisiaeth
- Darparu cyfleoedd dysgu i ffwrdd o'r gwaith a Hyfforddiant Sgiliau Hanfodol

Rydym yn gweithio yn y sectorau hyn...

- | | |
|--|--|
| <ul style="list-style-type: none">• Adeiladu• Peirianeg• Moduron• Arlwyyo a Lletygarwch• Y Sector Cyhoeddus• Y Trydydd Sector | <ul style="list-style-type: none">• Iechyd a Gofal Cymdeithasol• Gweithgynhyrchu• Creadigol a TGCh• Gwasanaethau Ariannol a Phroffesiynol |
|--|--|

Pam Dewis CAVC?

Dros 3000 o brentisiaid yng Nghymru a Lloegr
bob blwyddyn mewn **42** o wahanol sectorau



Prentisiaethau sydd wedi ennill gwobrau

Rydym wedi ennill un o wobrau Beacon yr AOC am fod y coleg gorau yn y DU am ddarparu a hyrwyddo prentisiaethau.



Cyfleusterau Gwych

Rydym yn hyfforddi pobl mewn cyfleusterau modern, penodol i'r diwydiant yng Nghaerdydd a Bro Morgannwg. Mae hyn yn cynnwys Campws Canol y Ddinas, ein campws newydd gwerth £45m.



Staff Arbenigol

Mae ein staff yn arbenigwyr yn eu pwnc a'u diwydiant, ac mae ganddynt gyfoeth o brofiad o lawer o alwedigaethau a phroffesiynau.



Cyfraddau Llwyddiant

Mae dros 87% o'n prentisiaid yn llwyddo i ennill eu prif gymhwyster; mae'r gyfradd llwyddiant hon ymhlith yr uchaf yn y sector.



Cydlynnydd ac Asesydd Dynodedig

I ddarparu'r gefnogaeth sydd ei hangen arnoch.



Sicrwydd Ansawdd

Rydym yn rhan o rwydwaith o bartneriaid sy'n sicrhau ansawdd (y QSA) i gefnogi'r ddarpariaeth.



“Rwyf nawr yn gweithio mewn diwydiant heriol lle mae pethau'n symud yn gyflym ac yn esblygu'n gyson, gyda chwmni sy'n mynnu'r safonau uchaf un. Rwyf eisiau bod yn rhan o'r diwydiant hwn am weddill fy ngyrfa.”

Sam Jones, Prentis Gweithrediadau Adeiladu
Rhwydwaith Nwy, Wales & West Utilities

Sut i wneud cais am brentisiaeth

Ein nod yw rhoi lle canolog i ddysgu a datblygu ym mhopeth a wnawn. Byddwn yn gweithio gyda chi drwy gydol eich prentisiaeth, gan gynnig ffordd arloesol o ddysgu, i helpu i'ch grymuso chi fel dysgwr a chefnogi eich twf yn y dyfodol.

Dewch o hyd i gyflogwr neu siaradwch â chyflogwr presennol. Gall y Gwasanaeth Paru Prentisiaid eich helpu i ddod o hyd i gyfle.

Cysylltwch â ni i weld a ydych yn gymwys. Gallwch gysylltu â ni drwy e-bost: commercial@cavc.ac.uk neu ar 02920 250 350

Byddwch chi, eich cyflogwr a CAVC yn cytuno ar raglen brentisiaeth.

Cofrestrwch am eich rhaglen brentisiaeth yn CAVC a byddwch yn barod i fynd.

Y Gwasanaeth Paru Prentisiaid

Y Gwasanaeth Paru Prentisiaid yw'r system recriwtio ar-lein swyddogol ar gyfer prentisiaethau yng Nghymru. Mae'n rhoi llwyfan am ddim i gyflogwyr hysbysebu prentisiaethau o safon. Gellir gweld manylion y prentisiaethau a gwneud cais amdanynt ar-lein, gan eich helpu i ddod o hyd i'r prentis iawn i chi. Am fwy o wybodaeth ewch i www.careerswales.com

Ydw i'n gymwys?

Gall unrhyw un dros 16 mlwydd oed sy'n byw yng Nghymru ac nad yw mewn addysg amser llawn wneud cais am brentisiaeth. Bydd angen ichi fod wedi'ch cyflogi yn y sector rydych eisiau gweithio ynddo cyn gwneud cais am eich hyfforddiant. Bydd hefyd angen ichi gael asesiad cychwynnol mewn rhifedd, llythrennedd a medrau digidol.





Cardiff and Vale College
Coleg Caerdydd a'r Fro

02920 250350

commercial@cavc.ac.uk

Mae CAVC yn croesawu galwadau ffôn yn Gymraeg

Y Gwasanaeth Paru Prentisiaid

Y Gwasanaeth Paru Prentisiaid yw'r system recriwtio ar-lein swyddogol ar gyfer prentisiaethau yng Nghymru.

Mae'n rhoi llwyfan am ddim i gyflogwyr hysbysebu prentisiaethau o safon. Gellir gweld manylion y prentisiaethau a gwneud cais amdanynt ar-lein, gan eich helpu i ddod o hyd i'r prentis iawn i chi.

Am fwy o wybodaeth am y Gwasanaeth Paru Prentisiaid, ewch i www.careerswales.com

Coleg Caerdydd a'r Fro sy'n arwain y Gynghrair Ansawdd Sgiliau (QSA) – consortiwm o ddarparwyr dysgu seiliedig ar waith yng Nghymru sy'n cydweithio i ddatblygu rhagoriaeth mewn prentisiaethau.
www.qualityskillsalliance.co.uk



Caiff ein rhaglenni prentisiaeth eu hariannu'n rhannol gan Gronfa Gymdeithasol Ewrop drwy Lywodraeth Cymru.

